



UNIVERSITI
TEKNOLOGI
MARA

UiTM *di hatiku*

MAY 2024

INFO 83rd ISSUE

KAMPUS

UiTM Sarawak Bulletin



The 2nd International Conference
On Innovative Sciences &
Technologies For Research &
Education (Innostre)

ReQaseni Art Exhibition
17th Edition: ENIGMA

Lawatan rasmi:
Profesor Datuk Teknologis
(Ts.) Dr. Hajah Roziah Mohd Janor



Building Bridges Through International
Mobility: A Joint Program between
UiTM & Mulawarman University
Indonesia

Seminar Negeri Tua Melanau Siri 1 2022 Himpun Pemimpin Masyarakat Dan Ketua Kaum Di Mukah

Disediakan oleh
Yahutazi Bin Hj. Chik

MUKAH, 28 MAC 2022 (ISNIN): Pusat Penyelidikan Melanau (PMM) UiTM Cawangan Sarawak, Kampus Mukah dengan kerjasama Persatuan Melanau Mukah (PMM) telah menganjurkan program Seminar Negeri Tua Melanau Siri 1 / 2022 yang telah diadakan di Kingwood Hotel, Mukah. Seminar tersebut telah dihadiri seramai 30 orang pemimpin masyarakat dan ketua kaum yang terdiri daripada para penghulu dan ketua kampung di sekitar Mukah. Seminar tersebut telah dirasmikan oleh YB Abdul Yakub Bin Haji Arbi, ADUN N58, Balingian merangkap Pengerusi Persatuan Melanau Mukah (PMM). Dalam ucapan perasmian, beliau menyokong penuh usaha Pusat Penyelidikan Melanau, UiTM Kampus Mukah dan Persatuan Melanau Mukah untuk meneruskan siri-siri jelajah Seminar Negeri Tua Melanau yang berikutnya di Oya, Dalat, Igan, Balingian, Belawai, Tanjung Manis dan juga Daro. Beliau turut berharap usaha ini akan berjaya membongkar khazanah-khazanah silam Melanau seperti penemuan artifak, salasilah, manuskrip dan pelbagai bahan yang mempunyai nilai sejarah seterusnya memberi naratif baharu kepada sejarah kaum Melanau yang amat disegani suatu ketika dahulu terutamanya kepada generasi-generasi akan datang.

Di samping itu, program juga turut dihadiri oleh Profesor. Madya Dr. Saimi Bujang, Penolong Rektor, UiTM Cawangan Sarawak, Kampus Mukah yang telah memberikan ucapan aluan dan pembentangan berkenaan dengan negeri tua Melanau. Selain daripada itu, turut meluahkan masa menghadiri seminar tersebut ialah Encik Shafrie Bin Saili, pemangku residen bahagian Mukah, Encik Peleadzman Anak Ahip, pemangku pegawai daerah Mukah, Tuan Haji Kadir Bin Haji Jamil, Walikota, Majlis Daerah Dalat dan Mukah (MDDM), Tuan Hj. Mohd. Jali Bin Kawi, pemanca daerah Mukah dan Encik Pengiran Saifudzin Bin Pengiran Mahtar, Pegawai Eksekutif Kanan UiTM Cawangan Sarawak, Kampus Mukah merangkap timbalan ketua Pusat Penyelidikan Melanau, UiTM Cawangan Sarawak, Kampus Mukah.

Dalam ucapan aluan dan sesi pembentangan negeri tua Melanau Siri 1/2022, Prof. Madya Dr. Saimi Bujang memaklumkan bahawa terdapat khazanah-khazanah sejarah negeri-negeri tua lain di Sarawak yang belum diterokai sepenuhnya sebelum kedatangan penjajah James Brooke pada tahun 1841, sedangkan kewujudan negeri-negeri tua Sarawak telah dibuktikan melalui Catatan China, Kekawin Negarakertagama, peta-peta lama Borneo, naskah-naskah Kesultanan Brunei, catatan James Brooke, catatan Charles Brooke, catatan pegawai-pegawai James Brooke dan lain-lain lagi. Menurutnya lagi, dalam catatan manuskrip tersebut dengan jelas menyatakan kewujudan beberapa negeri-negeri tua Sarawak termasuklah negeri Melanau, negeri Rejang, negeri Oya



Ucapan perasmian seminar negeri tua Melanau Siri 1 / 2020 oleh YB Abdul Yakub Bin Haji Arbi, ADUN N58, Balingian merangkap Pengerusi Persatuan Melanau Mukah (PMM)

dan negeri Igan. Oleh itu, sebagai satu-satunya universiti awam yang terdapat di Mukah, UiTM Cawangan Sarawak, Kampus Mukah telah mengambil insentif untuk menubuhkan Pusat Penyelidikan Melanau (PPM) yang akan memfokuskan kepada tiga aspek utama, iaitu; menjadi pusat penyelidikan Melanau terkemuka, sebagai pusat dokumentasi dan maklumat Melanau dan sebagai pusat pameran Melanau.

Selain sesi pembentangan oleh Prof. Madya Dr. Saimi Bin Bujang, program turut melibatkan sesi dialog dan perkongsian pandangan dan idea bersama para peserta yang terdiri daripada pemimpin tempatan dan pengkaji sejarah Melanau. Diantara mereka yang mengambil bahagian dalam sesi dialog tersebut adalah Encik Tommy Black Mark Lang, pemilik Muzium Mini Sapan Puloh dan beberapa pemimpin tempatan yang lain yang telah memberikan pandangan mengenai beberapa sejarah Melanau. Program berakhir dengan persetujuan untuk pihak Pusat Penyelidikan Melanau UiTM Kampus Mukah untuk mengadakan perbincangan lebih mendalam bersama para pemimpin tempatan dan pengkaji sejarah Melanau yang lain mengenai beberapa bahan artifak dan bukti sejarah yang lain yang akan membongkar sejarah negeri tua Melanau dengan lebih mendalam.